



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Ex Illvstrissimo Cardinali Bellarmino Epitome
Controuersiarum Omnium huius Aeui
Lvthero-Calvinisticarvm Sub diuersis Titulis bis
Quadripertitis digestarum**

Coppenstein, Johann Andreas

Mogvntiae, 1624

LXXII [i. e. LXXIII]. An idem doceatur ex Prophetiis?

urn:nbn:de:hbz:466:1-11726

AD III. Iam liquet eisdem fuisse
typos etiam Coenæ seu Eucharistiæ: te-
stibus S. Patribus.

QVÆSTIO LXXIII.

*An Missa Sacrificium esse doceatur
ex PROPHETIS?*

LUTHERO-CALVINISTÆ pertendunt
Vaticinia impleri esse in Sacrificio Cru-
cis: Deinde pleraque intelligenda de spiritali
Sacrificio bonorum operum ad laudem Dei.

SVADENT istis de Malachia. 1. *Ma-
lach. non dicit, Sacrificulum debere mimis
gestibus in pane & vino representare passionem
Christi. 2. Malach. dicit in genere futurum
Sacrificium mundum: non explicat, quale. At
in Nouo Testamento sunt solum spiritalia, Huc
citant S. Patres.*

AUTOR. Prophetiæ sunt de Sacrifi-
cio S. Coenæ propriè dicto; non de im-
proprio spiritali. 1. *Malach. 1. Offer-
tis super altare meum panem pollutum, cæcū,
claudum, &c. At verò, In omni loco Sacrifi-
catur, & Offeritur Nominis meo Oblatio mun-
da; scil. Corpus & Sanguis Christi: quod
immundum esse nunquam potest. Estq;
Nova oblatio: At Caluino Inst. l. 4. c. 12 §.
4. & c. 15. §. 3. sunt sordes, inquinamenta:
Lutheranis, etiam peccata. Nec ea noua
sunt, cum in lege & Naturæ, & Mosaica
fuerint frequentata. Itaque confertur
ibi figuratum Sacrificium cum figu-
rato.*

AD SVASIONES, liquet ex hisce
refutatio: quæ Patribus vtuntur fal-
sariè.

Cætera documenta ex Prophetiis, ex
Prædictione Christi, Ioann. 4. ex Institu-
tione Coenæ, ex Vñ Apostolorum, Vi-
de in meo *Antichristo* p. 3. q. 27.

QVÆSTIO LXXIV.

*An Missam esse propriè dictum Sa-
crificium doceatur ex Antiqui-
tatibus Ecclesiasticis?*

LUTHERANI & CALVINISTÆ eleua-
re student ac eludere Varias Antiquitates
Ecclesiasticas, Sacrificii Incruenti testes, du-
plice præsertim commento vano: Aut esse
testimonia Sacramenti Eucharistiæ; non Sa-
crificii Missæ; Aut monumenta Vnici Cru-
enti Sacrificii in Cruce.

I. LUTHERVS decapt. Bab. c. 1. timidè ait; Patres
forsan vocant Sacrificium Orationes ad Coenam fieri
solitas; &c. Si nihil habetur, quod dicatur, iustum est o-
mnia negare, quam Missam esse Sacrificium concedere.
Lib. de abroganda Missa. Proseor aduersus clamatores,
quod contra Ritus Ecclesiæ & Statuta Patrum docue-
rim; nihil horum me auditurum. Lib. contra Regem
Angliæ. Dicta Patrum inducit Rex pro Missario Sacrifi-
cio, & ridet meam stultitiam, quod solum vultim spero
pra omnibus. Hoc est quod dixi; Thomisticos asinos ha-
bere nihil, quod producant, nisi Multitudinem homi-
num, & Vsum Antiquum. Ibid. ait se nil curare, licet
mille Augustini, mille Cypriani contra se sent. Lib.
de Missa priuata. Hic non moramur, si elament Eccle-
sia, Ecclesia, Patres, Patres: Quia hominum dicta &
facta nihil in tam magnis causis curamus. Scimus enim
ipsos Prophetas lapsos esse, adeoq; Apostolos. Verbo Chri-
sti iudicamus Ecclesiam, Apostolos, ad eo, ipsos Angelos.

CALVINVS Inst. l. 4. c. 18. §. 10. Initio, ait
Sacramentum Eucharistiæ Patres vocant Sacrifi-
cium quia est memoriale Sacrificii Crucis.
Ita & Kemnit. 2. Quia Veteres video alio
hanc Memoriam detorsisse, quam Institutionis
Domini conueniebat (quod repetita Immola-
tionis faciem præseferbat:) nihil tutius, quam
in simplice Dei ordinatione acquiescere. Et §. 12.
Certè si cogitamus, Domini, non hominum Coe-
nam esse, non est cur vlla hominum autoritate,
vel annorum præscriptione patiamur nos ab illa
dimoueri.

II. KEMNITVS par. 2. Exam. pag. 781.
Negari non potest, Veteres, quando loquuntur
de celebratione Coenæ, usurpare vocabula Sa-
crificij, Immolationis, Oblationis, Hostiæ,
Victimæ, &c. Vt tamen eludat, quatuor fin-
git.